

四庫全書

子部

欽定四庫全書

子部

職官分紀卷十六

七

詳校官中書臣沈鳳輝

侍讀臣孫球覆勘

總校官編修臣王燕緒

校對官編修臣

曹錫齡

謄錄監生臣

崔敏第

欽定四庫全書

職官分紀卷十六

宋 孫逢吉 撰

秘書省

後漢桓帝延熹二年置秘書監官

晉職官志秘書監案漢桓帝延熹二年置秘書監後省  
魏武為魏王置秘書令丞及文帝黃初初置中書令典  
尚書奏事而秘書改令為監後以何禎為秘書丞而秘

書先自有丞乃以禎為秘書丞及晉受命武帝以秘書并中書其秘書著作之局不廢惠帝永平中復置秘書監其屬官有丞有郎并統著作省

沈約宋書百官志秘書監丞各一人魏武帝建國有秘書令左右丞黃初中分秘書立中書而秘書之局不廢昔漢武帝建藏書之策置寫書之官於是天下文籍悉在天祿石渠延閣廣內秘府之室謂之秘書至成哀世使劉向父子以本官典其事至於後漢則圖籍在東觀

有校書郎又有著作郎

傳毅馬融之徒多為校書郎又蔡邕從尚書郎遷入東觀著作

邕既已為尚書郎而入東觀著作復升議郎知是著作郎

又碩學達官往往典校秘

書如何歆故事故但校書東觀或有兼撰漢記也

王肅論秘書不應屬少府表曰魏之秘書即漢之東觀

郡國諸書悉云上東觀且自大魏分秘書而為中書以來

傳緒相繼於今二監未有言屬於少府者也今欲使臣

編名於騶從言事于外府不亦隳朝制而辱國典乎太

和中蘭臺秘書爭儀三府奏議秘書司先王之載籍掌

制書之典與中書相亞與中書為官聯隋百官志梁秘書省置監丞各一人郎四人掌國之典籍圖書著作郎一人佐郎八人

後齊秘書省典司經籍監丞各一人郎中四人校書郎十二人正字四人又領著作省郎二人佐郎八人校書二人

隋秘書省監丞各一人郎四人校書郎十二人正字四人錄事二人領著作太史二曹

唐職官志秘書省監一員

從三品監之名後漢桓帝置魏晉不改後周謂之外史下

大夫隋後為秘書監從第一品煬帝改為秘書令武德復為監龍朔改為蘭臺太史天授改為麟臺少監神龍復

為秘書監少監二員  
從四品上少監隋煬帝置龍朔改為蘭臺侍郎天授為麟臺少監神龍復為秘

書少監比置一員太極初增置一員

六典秘書省監一人從三品

周禮春官太史掌建邦之六典又小史掌邦國之志

定繫代又外史掌四方之志三王五帝之書並秘書之任也秦則博士官所職禁人藏書漢氏除扶書之律開

獻書之路置寫書之官又今謁者陳農求遺書於天下故大籍往往而出並藏之書府在外則有太常太史博

士掌之內則有延閣廣內石渠之藏又御史中丞在殿中掌蘭臺秘書圖籍又未央宮中有麒麟閣天祿閣亦

欽定四庫全書

卷十六

藏書劉向揚雄典校皆在禁中謂之中書猶今言內庫書也後漢則藏之東觀亦禁中也桓帝延熹二年始置秘書監屬太常掌禁中圖書秘記故曰秘書漢官云秘書監一人秩六百石魏武為魏王置秘書令典尚書奏事即中書之任也兼掌圖書秘記文帝黃初中分秘書立中書因置監令乃以散騎常侍王象領秘書監撰皇覽魏氏蘭臺亦藏書御史掌焉魏畧薛夏云蘭臺為外臺秘書為內閣是也魏初秘書屬少府及王肅為監以為秘書之職即漢東觀之任安可復屬少府自此之後不復屬焉至晉武又以秘書并入中書惠帝永平元年詔秘書典綜經籍考校古今中書自有職務遠相統攝于事不專宜令復別置秘書寺掌中外三閣圖書自是秘書寺始外置焉晉令云品第五絳朝服銅印墨綬進賢兩梁冠佩水蒼玉宋齊同晉氏梁改為省與尚書中書門下集書為五省秘書監增秩中二千石品第三後制十八班秘書監班第十一陳依梁後魏亦以秘書為

五省之數監初從第二品中太和末正第三品北齊依魏後周春官府置外史下大夫掌書籍此秘書監之任也隋秘書與尚書門下內史殿中為五省秘書監正三品煬帝降為從三品後改為令武德初改為監龍朔二年改為蘭臺其監曰蘭臺太史咸亨元年復舊少監二人隋使舊天授初改為麟臺監神龍元年復舊少監二人煬帝三年置一人從四品掌貳秘書監之職其後秘書監改為少令皇朝因隋為少監餘同唐百官志

之職掌邦國經籍圖書之事有二一曰著作二曰太史

皆率其屬而修其職

凡四部之書必立三本曰正本副本貯本以供進內及賜人凡校賜

人書無本皆別賜以給之少監為之貳

國朝舊有太史局歸於司天監淳化元年詔秘閣次三

欽定四庫全書

職官分典  
卷十六

館秘書省仍隸京百司監丞郎校書郎正字著作郎佐郎官名皆仍其舊惟無定員及不專職本省之務分蒞中外之任監闕即以朝官判秘閣官兼充大中祥符九年詔秘書監楊億判閣兼秘書省事億為正監不當更言判省閣有司誤也元祐四年七月秘書省官三年為一任依舊法關陞不用舉主

御史為隣

漢初御史中丞掌蘭臺秘書圖籍之事至魏晉其制猶存故歷代營都邑置府寺必以秘

書省及御其隣殿

三輔黃圖未央宮東麒麟殿藏秘書郎揚雄校書之所也

羣玉之山

穆天子傳穆天子西登崑崙崙崙見西王母又東壁石氏壁

之星主

芸臺

魚養典畧芸香辟紙魚蠹故藏書臺稱芸臺又曰蘭臺也用秘書署至

藏室

華嶠後漢書學者稱東觀為老氏藏室道家蓬萊山王融曲水詩序云記言事于仙室謂藏室也

蓬山

仙室上

監

後漢

以下沿革并見秘書省門

國朝元祐官品令秘書監正四品

正官書

晉書張華嘗徙居藏書三十乘秘書監摯虞撰定官書皆資華本以取正

不願為侍

臣

王隱晉書羊祜為黃門郎陳留王立著魏書王沉為

著魏書多為時

撰次汲冢書

晉諸公讚荀勗領秘書監

諱而善序事

太康二年汲冢中得竹

書勗躬自撰次注寫以為中經

幽讚符命

庾峻自司空

列於秘書經傳闕文多所證明

長史轉秘書

監幽讚符命天文

掌秘興宣明史籍

溫嶠舉荀崧為秘

地理因有述焉

書監曰夫國史之

興將以明得失之迹謂之實錄使一代之典煥然可觀

散騎常侍崧文質彬彬思義通博歷任先朝蒞事以穆

宜掌秘興

蘭臺之官

王充論衡蘭臺簡嚴能檢下

宣明史籍

魏王

曰青龍之末王者所選秘書監詔秘書郎史以上三百

餘人非但學問又當簡威嚴能檢下者詔肅以常侍領

焉

自負宿名意每快快

柳桀晉記華譚為秘書監自負宿名意每快快嘗從容謂上曰

臣已老矣將待死秘閣汲著三國陽秋為秘書監孫盛

黜之言復存于今帝不悅著三國陽秋為秘書監孫盛尚

好學自少及長手不釋卷既居史官乃著三國陽秋按

本傳著魏氏春秋晉陽秋晉陽秋詞直而理正咸稱良

史有良史之志華嶠集詔曰尚書嶠體素弘簡文雅該通歷覽古今博文多識著書實錄有良

史之志轉為秘書監其加散騎常侍班同中書寺為內

臺使中書散騎著作及治體音律天文數術南省文章

門下撰集皆典領之嶠表伏見詔書以臣為秘書監加

位常伯昔劉向父子世典史籍馬融通博三入東觀非

臣庸淺所敢劉向世典史籍馬融通博三入東觀上天閣

投迹云云

寶秘南史何憲字子思博涉該通羣籍畢覽天閣寶秘

人問散逸無遺漏焉任昉劉渢共執秘閣四部書

試問其所知自甲至丁書說一事并敘述人間散逸無

作之體連日累夜莫見其所遺渢音馮

職官分記

六

遺漏上手自讎校

梁任昉字彥昇為秘書監自齊永元以來秘閣四部篇卷紛雜昉手自讎

校由是篇目定焉

中秘二省多諸文士

後魏世祖欲拜伊戡為尚書兼郡公戡辭曰尚

書務殷公爵至重非臣年少愚近所宜倚任請收過恩世祖問其所欲戡曰中秘二省多諸文士若恩矜不已

請參其次世祖賢之遂拜為中護將軍秘書監戡音跋

書有五厄

隋書開皇初秘書監牛弘以典

籍遺逸上表請開獻書之路曰昔周德既衰舊經紊棄孔子以天聖之才開素王之業憲章祖述制禮刊詩正

五始而修春秋闢十翼而弘易道及秦皇馭寓吞滅諸侯先王墳籍掃地皆盡此則書之一厄也漢興建藏書

之策置校書之官至孝成之世遺詔者陳農求遺書於天下詔劉向父子讎校篇籍漢之典文於斯為盛及王

莽之末並從焚燼此則書之二厄也光武嗣興尤重經籍未及下車先求文雅肅宗親臨講肆和帝數幸書林

其蘭臺石室鴻都東觀秘書填委更倍於前及孝獻移  
都吏民擾亂圖書絳綿皆取為帷囊所收而西裁七千  
餘卷屬西涼大亂一時燔蕩此則書之三厄也魏文代  
漢更集經典皆藏秘書內外三閣遺秘書郎鄭默刪定  
舊文時之論者美其朱紫有別晉氏乘之文集尤廣晉  
秘書監荀勗定魏內經更著新簿屬劉石憑凌從而失  
墜此則書之四厄也永嘉之後寇竊競興其建國立家  
雖傳名號憲章禮樂寂滅無聞劉裕平姚叔其國籍五  
經子史纔四千卷皆赤軸青紙文字古拙并歸江左宋  
秘書丞王儉依劉氏七畧撰為七志梁人阮孝緒亦為  
七錄總其書數三千餘卷及侯景渡江破滅梁室秘書  
經籍雖從兵火其文德殿內書史宛然猶存蕭繹據有  
江陵遣將破平侯景收文德之書及公私典籍重本七  
萬餘卷悉送荊州及周師入鄴繹悉焚之於外城所收  
十纔一二此則書之五厄也後魏爰自幽方遷宅伊洛  
日不暇給經籍闕如周氏創基闢右軍車未息保定之

始書止八千後加收集方盈萬卷高氏據有山東初亦採訪驗其本曰殘闕彌多及東夏初平獲其經史四部重雜三萬餘卷所益舊書五千而已今御書單本合一萬五千餘卷部帙之間仍有殘闕比梁之舊目止有一半至于陰陽河洛之篇醫方圖譜之說稱復為少臣以經書自仲尼迄今數遭五厄興集之期屬膺聖代今秘籍見書亦足披覽但一時載籍須令大備不可王府所無私家乃有若猥發明詔兼開購賞則異典必致館閣斯積上納之於是下詔獻書一卷

刻木偶置之於座

誓柳

煬帝嗣位拜秘書監退朝之後使命入閣言晏諷讀終日而罷帝每與嬪后對酒時逢興會輒遣命之至與同榻共席恩若友朋帝猶恨不能夜召于是命刻木偶人施闌機能坐起拜伏以象于誓帝每月下對酒輒令宮人置之于座與相酬酢而為歡

校定四部書

唐魏徵連

笑按隋書作柳詒未詳詒音辨

引學者校定四部書自  
是秘府圖籍繁然畢備  
叅預朝政徵為秘書監  
博識世

南為秘書監太宗重其博識每幾務之隙引之談論  
共觀經史每論及古先帝王為政得失必存規諷  
奇

書難字

顏師古拜秘書少監專典刊正所有奇書

稱秘

書外監

秘書監賀知章性放曠晚年尤加縱誕自號四  
明狂客又稱秘書外監遨遊里巷醉後屬辭動

成卷軸文不加點皆有可觀天寶三載知章上疏請度  
為道士求還鄉里仍捨本鄉宅為觀上許之御製詩以

贈三教談論

白居易自燕州召拜秘書監賜金紫文宗  
誕日召居易與僧惟澄道士趙常盈對御

講論于麟德殿居易論難鋒起  
辭辭泉注上所罕覩深嗟異之

詠石榴詩

孔紹安大業  
末為監察御

史時高祖為隋討賊於河東詔紹安監高祖之軍深見  
接遇及高祖受禪紹安自洛陽間行來奔高祖見之甚

欽定四庫全書

附錄卷十六

悅拜內史舍人時夏侯端亦嘗為御史監高祖軍先歸  
朝授秘書監紹安因侍宴應詔詠石榴詩曰祇為時來  
晚開花不及秘府無事國朝至道中賈黃中自瀘州受  
春時人稱之代赴闕先豐碩雄壯自是頓藏  
療鬱若枯藤上憐之拜禮部侍郎兼秘書  
監以黃中素嗜文籍而秘府無事擾之也疾愈求朝謁  
大中祥符七年秘書監分司西京楊億以疾愈求朝謁  
上因曰億大學鮮儕然或言其好切議朝政王旦曰億  
受國深恩非土木類或談譔過諫戲作艷詩唐虞世南  
當則有之訕謔之事恐不為也為秘書監  
太宗謂侍臣曰朕因暇日每與虞世南商畧今古朕有  
一言之善虞世南未嘗不悅有一言之失未嘗不恨恨  
朕嘗戲作艷詩虞世南便進曰聖作雖工體制非雅上  
之所好下必隨之此文一行恐致風靡輕薄成俗非為  
國之利賜今繼和輒申狂簡而今之後更有斯文繼以  
死請不敢奉詔其懇誠若此朕用嘉焉羣臣皆若虞世

南天下何憂不治因顧謂虞世南曰朕更有此詩卿能  
死否虞世南對曰臣聞詩者動天地感鬼神上以風化  
下下以風刺上故李札聽詩而知國之興廢盛衰之道  
實繁於茲臣雖愚謏願不奉詔太宗大悅賜絹五十疋

少監

沿革見秘書省門

國朝元祐官品令秘書少監從五品

卧振高風

唐蕭德言以年老請致仕太宗不許詔曰頃年以來天下無事方欲建禮作樂偃武修文

卿年齒已衰教將何恃所冀才德兼茂卧振高風使濟南伏生復在於茲日關西孔子故顯於當今拜秘書少

監兩宮禮賜甚厚

與父並命

趙宗儒字秉文拜右拾遺翰林學士時父暕秘書少監與父並命出

於一日當時榮之

叅預政事

周思茂自右史轉太子舍人典履永在禁中最蒙親遇至于政事損

益多所參預累遷麟臺少監崇以儒素見稱王紹宗為文館學士垂拱四年下獄死秘書少監

仍侍皇太子讀書紹宗性澹雅以儒素見稱當時朝廷之士咸敬慕之張易之兄弟亦加厚禮易之伏誅紹宗

生廢領史職者不宜為諫官德宗以左諫議大夫史館修撰張薦為秘書少監修撰如

故時裴延齡貴欲異同宰府乃言於上曰諫議大夫論朝廷得失之官史館修撰書朝廷得失之事則領史職

者不宜為諫官故有是命

丞

魏志武帝置秘書左右丞以劉放為左丞孫資為右丞王肅表陛下垂意於稽古留神於墳典故轉臺郎公府

茂才以左右丞若自今後詔郎皆依丞選見會威儀使  
有常秩則人樂秘書之職矣建安二十三年秘書丞郎  
比侍御史下節度比蘭臺令史此為丞郎宜亞侍御史  
而今位在符節郎下符節郎秩三百石秘書丞秩四百  
石高秩在下違賤貴之宜符節郎在上失內外之叙臣  
愚以為秘書職於三臺為近密中書郎在尚書丞郎上  
秘書丞郎宜次尚書郎下不然則宜次侍御史下秘書  
丞郎俱四百石遷宜比尚書郎出亦宜為郡此陛下崇

儒術之盛事也

晉職官志

見秘書省門

齊職儀秘書丞銅印墨綬

按通典晉後署秘書丞銅印墨綬進賢一梁冠絳朝服宋

為黃綬餘與晉同齊梁尤重陳隋印綬與齊同歷代皆有

隋百官志

見秘書省門

新唐百官志秘書丞一人

從五品上

六典秘書丞一人從五品

漢獻帝建安中魏武為魏王置秘書令及二丞與尚書奏

事並中華之任也魏志劉劭建安末自秘書郎轉秘書丞是也魏文黃初中分秘書立中書以秘書左丞劉放

為中書監秘書右丞孫資為中書令而秘書丞一人秩  
四百石魏志云何禎文帝時上許都賦帝異之公車徵  
到為秘書郎後月餘禎關事帝問外吾本用禎為丞何  
故為郎案主者罪遂改為丞時秘書丞尚未轉遂以禎  
為右丞晉武并秘書入中書謂之中書秘書丞惠帝又  
置秘書丞二人晉令秘書丞品第六銅印墨綬進賢一  
梁冠絳朝服晉書稱桓石綬為秘書丞啟校四部圖書  
宋齊並一人品服同晉氏梁增品第五秩六百石銅印  
黃綬陳依梁後魏秘書丞一人正第五品上北齊因之  
後周春官府有小外史上士之職蓋比秘書丞之任也  
隋氏秘書丞一人正  
五品龍朔曰大夫

### 掌判省事

國朝元祐官品令從七品

分領著作事

後魏李彪字道固遷秘書丞分領著作事  
自文成帝已未至於太和崔浩高允著述

國書編年叙錄為春秋體遺落時事彪與秘書令高祐始奏從事遼國體創為紀傳表志之目焉按本傳但云

奏著作事職近日月魏王肅論秘書表云青龍中議秘無分領文職近日月書丞郎與博士議郎同職近日月

宜在三臺上秘書丞郎宜比尚書丞郎數奏文賦魏畧嚴苞黃初中以高才入為秘書丞數奏文

賦帝異之天水薛宣聲薛夏字宣聲天水人也博學有才天

而夏為單家不為降屈四姓欲共治之夏乃遊逸東詣京師太祖宿聞其名甚禮遇之文帝又嘉其才黃初中

為秘書丞帝每與夏推論書傳未嘗不終日也每呼之不名而謂之薛君夏居甚貧帝又顧其衣薄解所御衣

袍賜之其後征東將軍曹休來朝時帝方與夏有所咨論而外啟休到帝引入坐定帝顧夏言之于休曰此君

秘書丞天水薛宣聲也宜共諡其見遇如此遍觀古今王隱晉書庾峻字山甫少好學有才思轉

秘書丞通觀古今聞見益廣

平簡溫敏有文思

山濤啟事選秘書丞宜如聖旨此局有數

百吏雖各有課限聞不能齊整梁韓足正法禁諸郎皆悉學士是以舉嵇紹平簡溫敏有文思帝曰紹如此便可為丞不

足復郎也

諡出處

袁彥伯名士傳山濤舉嵇紹為秘書丞紹語出處于濤曰為君思之久矣

天地四時猶有消息況於人乎

移書蘭臺

魏畧薛夏為秘書丞常以公事移蘭臺蘭臺自以臺也而

秘書署耳謂夏為不得儀也推使當有坐者夏報之曰蘭臺為外臺秘書為內閣臺閣一也何不相移之有蘭

臺屈無遷中書郎

晉中興書桓胤少知名初拜秘書丞遷中書郎

多書之家分

局採借

晉陽秋王謚為秘書丞乃表前尚書殷亮中書郎張敞太子衛率郝儉之故太常相石秀多書

之家請秘書郎分局採借

右丞自何禎始

虞預晉書何禎字元幹為尚書郎時詔叅秘書丞秘

書本有一丞于是遂以禎為此職宜得才人魏明帝用

右丞右丞之置自何禎始也此職宜得才人每卒問近對上繆以為郎士

書丞勅云此職宜得才人每卒問近對上繆以為郎士

傳何禎為許都賦封上帝異之下公車特徵到用為尚書郎詔用為秘書丞主者繆以為郎後月餘禎關事上

問曰吾本用禎為丞何故若野鶴之在鷄羣晉嵇紹中

為郎案主者罪遂為丞若野鶴之在鷄羣散大夫康

之子也山濤領選啟為秘書郎武帝謂濤曰如卿所言乃堪為丞何但郎也乃發詔徵之起家為秘書丞紹始

入洛或謂王戎曰昨於稠人中始見嵇紹昂昂然若野鶴之在鷄羣文翰勤慎魏志涿郡

棄太原孫資字彥龍資幼而岐嶷謁業太學博覽傳記同郡王允一見而奇之友人河東賈逵謂資曰足下抱

湮羣之才應太祖辟署功曹舉計吏尚書令苟或見資歎曰北州承喪亂已久謂其賢智零落今日乃復見孫

計君乎云云魏國既建與劉放俱為秘書郎大帝即位  
放資轉為左右丞放為秘書左丞資為秘書右丞數月  
放徙為令黃初初改秘書為中書以放為監以資為  
令評曰劉放文翰孫資勤慎並管喉舌權聞當時依

### 七畧撰七志

齊書王儉字仲寶為秘書丞上表求  
校墳籍依七畧撰七志四十卷獻之

### 第一

### 官

梁劉孝綽除秘書丞武帝  
曰第一官當與第一人

### 天下清官

張率字士簡遷  
秘書丞武帝謂

曰秘書丞天下清官東南望胄未  
有為之者今以相處為卿定名譽  
著晉諸公讚世語傳

道為秘書丞沒在胡中著晉  
諸公讚及晉公卿禮秩故事  
學行當今無比隋姚察江

尚書陳士八隋為秘書丞別勅成梁陳二史文帝指謂  
朝臣曰聞姚察學行當今無比我平陳惟得此一人

### 惟得此一人上

郎

晉職官志惠帝永平中復置秘書監其屬官有郎

晉令秘書郎掌中外三閣經書覆校殘闕正定脫誤

沈約宋書梁秘書郎四人後漢校書郎也

隋百官志梁秘書郎四人掌國之典籍圖書

餘見秘書省門

新唐百官志秘書郎三人

從六品上

掌四部圖書以甲乙丙

丁為部皆有三本一曰正二曰副三曰貯凡課寫功程

皆分判

六典秘書郎四人從六品上

魏武置秘書郎秩四百石魏起居注青龍中議秘書

丞郎職近日月宜居三臺上亞尚書丞郎晉令秘書郎中品第六進賢一梁冠絳朝服晉起居注云武帝遣秘

書圖書分為甲乙丙丁四部使秘書郎中四人各掌其一宋氏除中字梁秩六百石江左多任貴遊年少而梁

代尤甚當時謗言上車不落著作體中何如作秘書陳著令令僕射子起家為之後魏亦置四人正第七品

上北齊又增中字正第七品下隋除中字正第七品上煬帝三年加為從五品皇朝為從六品上龍朔天授神

龍並隨省改復開元秘書郎掌四部之圖籍分庫以藏

之以甲乙景丁為之部目甲部為經其類有十一曰易

以紀陰陽變化二曰書以紀帝王遺範三曰詩以紀興

衰誦嘆四曰禮以紀文物體制五曰樂以紀聲容律度  
六曰春秋以紀行事褒貶七曰孝經以紀天經地義八  
曰論語以紀先聖微言九曰圖緯以紀六經讖候十曰  
小學以紀字體聲類乙部為史其類一十有三一曰正  
史以紀紀傳表志二曰古史以紀編年繫事三曰雜史  
以紀異體雜紀四曰霸史以紀偽朝國史五曰起居注  
以紀人君動止六曰舊事以紀朝廷政令七曰職官以  
紀班叙品秩八曰儀注以紀吉凶行事九曰刑法以紀

律令格式十曰雜傳以紀先賢人物十一曰地理以紀山川郡國十二曰譜系以紀氏族繼序十三曰畧錄以紀史策條目景部為予其類一十有四一曰儒家以紀仁義教化二曰道家以紀清靜無為三曰法家以紀刑法典制四曰名家以紀循名責實五曰墨家以紀強本節用六曰從橫家以紀辯說譎詐七曰雜家以紀兼叙衆說八曰農家以紀播植種藝九曰小說家以紀芻辭輿誦十曰兵法以紀權謀制度十一曰天文以紀星辰

象緯十二曰厯數以紀推步氣朔十三曰五行以紀卜  
筮占候十四曰醫方以紀藥餌鍼灸丁部為集其類有  
三一曰楚詞以紀騷人怨刺二曰別集以紀詞賦雜論  
三曰總集以紀類分文章

國朝元祐官品令秘書郎正八品

元祐四年四月秘書郎並除陞朝官知縣以上資序入  
任滿除集賢校理

典校秘書

後漢馬融字季長有俊才博通經籍為校書郎中詣東觀典校秘書是時鄧太后臨朝鄧

陽兄弟輔政而俗儒世士以為文德可興武功宜廢遂寢蒐狩之禮戰陣之法融上廣成頌以諷諫忤鄧氏滯于東觀十年不得調後為南郡太守免官徙朔方收還復拜議郎重在京觀著述融才尚博洽為世通儒乘

鹿車

魏志魏武建國署秘書郎王肅表云尚書郎侍御史皆乘犢車而秘書丞郎獨乘鹿車不得朝服恐

非陛下轉臺郎以為秘書丞之本意也

秘閣之吏

王基字伯輿黃初中察孝廉除中書郎時青土

初定刺史王凌特表請基為別駕後詔為秘書郎凌復請還頃之司徒王朗辟基凌不違朗書勅州曰凡家臣

之良則升于公輔公臣之良則入于王職是故古者侯伯有貢士之禮今州取宿衛之臣留秘閣之吏所希聞

也觀其眸子足以知人

鍾會字士季少敏惠風成中護軍蔣濟著論觀其眸子足以知

人會年五歲見濟濟大奇之正始中以為秘書郎

澹于榮利耽意文章

蜀志卻正字全

先弱冠能屬文入為秘書吏轉為令史遷秘書郎性滄  
于榮利尤耽意文章自司馬王楊班傳張蔡之傳遺文

篇賦及當世美書善論益部  
有者則鎖鑿推求畧皆寓目  
**該覽學籍**  
魏劉劭為秘書郎該覽學籍文

賈周  
**朱紫別矣**  
王隱晉書鄭默字思元為秘書郎則省煩文除其浮穢時陳留虞松為中書令

謂默曰而今而  
**自以所見不博**  
左思字太冲專思三都賦杜絕人事自以所見

不博求為  
**美譽**  
晉中興書王謚弱冠有美譽與桓肩王綬齊名除秘書郎  
**專精學問**

虞預晉書司馬彪少篤學不倦然好色薄行為父陸所  
責不得為嗣彪由此不交人事專精學問泰始中為秘

書郎又  
**意趣不同**  
沈約宋書蕭惠開家雖貴戚而車服簡素初為秘書郎秘書著作並名家

年少惠開意趣與之多不  
**有限故有競**  
宋王敬弘子恢同此肩或三年不共語之白為秘書郎

敬弘求為奉朝請與恢之書曰秘書有限故有競千  
朝請無限故無競吾欲處汝無競之地文帝許之製千

字詩

袁朗勤學好屬文在陳釋褐為秘書郎嘗製千字  
詩當時以為盛作陳後主聞召入禁中使為月賦

朗染翰立成後主曰觀此賦謝希逸不能獨清而不要  
美於前矣又使為芝草嘉蓮二頌深見賞重

見侍御  
史門

請假還鄉

于世說張敷為宋臺秘書郎請假還東  
于時相國符一叅軍督餼亦請假武

帝遣傳令語敷云亦欲還鄉去可  
載之答曰臣性不雜遂不載也

體中何如

見沿  
固求

不遷欲遍觀圖籍

梁書張纘字伯緒為秘書郎  
固求不遷欲遍觀閣內圖籍對策高

第

王丞字安期七歲通易選補國子生十  
五對策高第除秘書郎本傳無未詳

召入禁中專

典秘閣

後魏高謐字安平有文武才度天安中以功臣  
子召入禁中除秘書郎固求秘閣謐以墳典殘

闕奏廣選郡邑大加繕  
寫由是圖籍稍以審正  
視草唐上官儀邊秘書郎太宗雅好屬文每遣儀視草又  
多令總和凡有  
宴集儀嘗預焉

校書郎

隋百官志後齊秘書省校書郎十二人 又領著作省

校書郎二人 隋校書十二人

新唐百官志校書郎十人

正九品上

六典校書郎八人正九品上

漢成帝命光祿大夫劉向于天祿閣校經傳諸子詩

賦步兵校尉任宏校兵書太史令尹咸校數術太醫監李柱國校方術其後揚雄以大夫亦典校于天祿閣斯

皆有其任而未置其官至後漢始于東觀置校書郎中  
續漢書云馬融安帝時為大將軍鄧騭所召拜校書郎  
中在東觀十年窮覽典籍上廣成頌又竇章居貧蔬食  
講讀不輟太僕鄧康重章學行是時學者稱東觀為老氏  
藏室道家蓬萊山康薦章入東觀為校書郎中漢御史  
中丞掌殿中蘭臺秘書圖籍因置蘭臺令史典校其書  
班固傳毅初俱為蘭臺令史王充云通人官蘭臺令比  
校書郎中東觀有校書郎置校書郎中典其事時通儒  
達學亦多以他官領之自漢魏歷晉宋齊梁陳博學之  
士往往以他官典校秘書至後魏秘書省始置校書郎  
正第九品上北齊置十二人隋初亦然煬帝減為十人  
其後又增為四十人皇朝減馮龍朔二年曰蘭臺郎開  
元二十六年減四人天寶十三載**掌讎校典籍刊正文**  
復置正員八年置四人屬集賢院

**字皆辨其紕繆以正四庫之國史焉**

筆談舊校書官多  
不恤職事但取舊

書以墨漫一字復注萬事于其側以為日課自置  
編校局只得以來國之仍于卷末書校官姓名

國朝元祐官品令校書郎從八品

正定六經文字

後漢蔡邕拜郎中校書東觀邕以經籍  
去聖久遠文字多謬俗儒穿鑿疑誤後

學乃與五官中郎將堂谿典等奏求正定六經文字  
帝許之邕乃自書丹于碑使工鐫刻立于太學門外于

是後儒晚學咸取正焉及碑始立其觀  
視及摹寫者車乘日千餘兩填塞郊陌

神雀頌

賈逵自  
兒童常

在太學諸儒為之語曰問事不休賈長頭  
顯宗時有神雀集宮殿官府帝勅蘭臺給筆札使作神雀頌拜為郎

與班固並校  
書應對左右  
文雅顯於朝廷  
傳毅字武仲肅宗博召文  
學之士以毅為蘭臺令史

拜郎中與班固賈逵共典校書毅進奏孝明帝功德最  
盛而廟頌未立乃依清廟作顯宗頌十篇奏之由是文

雅顯于整齊脫誤劉珍少好學永初中為謁者僕射鄧太后詔使與校書劉騊駼馬融及五

經博士校定東觀五經諸子傳記前漢揚校書天祿閣雄贊王

芥既以符命自立即位之後欲絕其原而神前事而甄豐子尋劉歆子棻復獻之莽誅豐父子技棻四裔辭所

連及便叔不請時雄校書天祿閣上治獄使者來欲收雄雄恐不能自免乃從閣上自投下幾死故京師為之

語曰惟寂惟寞自技于上廣成頌見前六進讀羣書班

閣爰清爰靜乃作符命典注博學有俊才與劉向校秘書與奏事許以選白虎觀論

受詔進讀羣書上器其說賜以秘書文副白虎觀論考同異楊終字子山顯宗時徵詣蘭臺拜校書郎上言

少事學者得成其業而章句之徒破壞大體宜如石渠故事永為後世則于是詔諸儒于白虎觀論考同異焉

會終坐事繫獄博士趙博校書郎班固賈逵等以終深  
曉春秋學多異聞表請之終又上書自訟即日貸出乃

得與于校書郎盧植字子幹能通古今學拜議郎與馬  
白虎觀校書郎日碑蔡邕楊彪韓說等並在東觀校中

書五經紀傳補續漢記注言中書以別于外也時  
始立太學五經以正五經文字植乃上書願得將能書

生二人共詣東觀就官財經專心研精合尚書章句考  
禮記失得為裁定聖典刊正碑文會南夷反叛以植嘗

在九江有恩信領校前漢劉向字子政遷光祿大夫而  
拜廬江太守上方精於詩書觀古文詔向領校

中五經無所不究劉歆字子駿通詩書能屬文河平中  
秘書無所不究東觀讎書

諸子無所不究東觀讎書鄧太后臨朝畫省王政夜則誦讀而  
所不究東觀讎書患其謬誤乃博選諸儒劉珍等詣東

觀讎校傳畫像以勸學者高彪舉孝廉試經第一除郎  
記讎對也畫像以勸學者中校書東觀後遷內黃令帝

勅同僚臨祖送于上東門儒林之府具志東觀儒林之府當講校文藝處

定疑難漢時皆名學碩儒乃任其職盛飾容服李

文博立性鯁直好學直秘書內省典校經籍時虞世基

子亦在其內盛飾容服而未有所知文博因從容問其

年紀對云十八文博乃謂曰昔賈誼當與時人遊歟唐

此之年論議何事君今徒事儀容何為

文本為中書令季弟文昭任校書郎多與時人遊歟太

宗聞而不悅嘗從容謂文本曰御弟過爾多交結恐累

御朕將出之為外官如何文本泣曰臣弟少孤老母時

所鍾念不欲信宿離于左右若令外出母必憂悴倘無

此弟亦無老母也唯啼咽太宗愍其意獻封禪書房

而止唯召見文昭嚴加誠約亦卒無憾過

開元十二年玄宗時封岳岳瑄撰封禪書一篇試兩節

及賤故以獻中書令張說奇其才奏授校書郎

欽定四庫全書

卷十六

韋溫以書判拔萃調補校書郎父綬致仕聞溫登第愕然曰判入高等在羣士之上得非交結權幸而致耶令

諫席于庭自出判目試兩節溫命筆即成綬喜曰此無愧也百縑賞詩李端工詩大

一本作翊錢起盧綸等更詠唱和馳名都下號十才子時郭曖尚昇平公主尤喜詩人每宴集賦詩公主坐視

簾中詩之美者賞百縑曖因拜官會十子曰詩先成者賞端請先獻警句云薰香荀令偏憐小傅粉何郎不解

愁主即以百縑賞之錢起曰李校書此篇宿構也願賦一韻正之請以起姓為韻端即襍牋而獻曰新開金埒

教調馬舊賜銅山許鑄錢年十三張九齡字子壽幼聰暖曰此愈工也起等始服年十三敏善屬文年十三應

舉登乙第勅改所居為復禮鄉徐岱字慶仁好學六籍拜校書郎勅改所居為復禮鄉諸子悉所探究大厯中

轉運使劉晏薦之授校書郎浙西觀察秘閣書籍校閱使李栖筠厚遇之勅改所居為復禮鄉

皆遍

段成式字柯古以蔭入官為校書郎研稽苦學秘閣書籍披閱皆遍聰敏博學楊炯

敏博學善屬文舉神童拜校書郎為崇文館學士

非急務

後漢盧植在江東校中秘書帝以非急務轉

為侍中

## 正字

隋百官志後齊秘書省典司經籍正字四人隋秘書省

正字四人

六典正字四人正九品下

掌詳定典籍正其文字前代才學之士多以他官兼其任

者齊秘書省有正書監是正字之任北齊秘書省始置正字四人從九品上隋因之皇朝為正九品下貞元八

年分兩人  
屬集賢院掌同校書郎

國朝元祐官品令秘書省正字從八品

元祐四年七月勅正字四年除秘閣校理

朋字未正

唐劉晏以神童為秘書省正字方年十歲形狀孱劣而慧悟過人上召入樓中簾下貴妃

置於膝上為施粉黛與之巾櫛上問晏曰汝為正字正得幾字對曰餘字皆正唯朋字未正出明皇離錄見詩

話總

麟臺正字

陳子昂性善屬數歲解屬文聰敏數歲

解屬文應童子舉

神童釋褐

具通玄父道瓊為諸王太子授經而通玄兄弟出入

禁掖常侍太子遊通玄與兄通微俱博學善屬文文采綺麗通玄幼應神童舉釋褐秘書省正字

## 著作郎

晉職官志著作郎周左史之任也漢東京圖籍在東觀故使名儒著作東觀有其名尚未有官魏明帝太和中詔置著作郎於此始有其官隸中書省及晉受命武帝以繆徵為中書著作郎元康二年詔曰著作舊屬中書而秘書既典文籍今改中書著作為秘書著作於是改隸秘書省後別自置省而猶隸秘書著作郎一人謂之大著作郎專掌史任又置佐著作郎八人著作郎始到

職必撰名臣傳一人

沈約宋書著作郎後漢官後漢以秦太史但掌天文律  
歷而其國紀撰述悉在著作江左王導表著作為史書  
是也後漢著作東觀有著作郎

隋百官志梁秘書著作郎一人佐郎八人掌國史集注  
起居著作郎謂之大著作梁初周捨裴子野皆以佗官  
領之後齊秘書又領著作省郎二人佐郎八人隋  
秘書省領著作曹郎二人佐郎八人校書郎正字各二人

唐百官志著作郎二人

從五品上

佐郎四人

從六品上

掌修撰

碑志祝文祭文與佐郎分判局事

武德四年改著作曹曰局龍朔二年曰司

文局咸

亨復

六典著作郎二人從五品上

續漢書稱班固傳毅以蘭臺令史陳宗以洛陽令尹

敏以長陵令孟冀以司隸校尉並著作東觀然皆他官兼著作之名而未立其官魏太平中置著作郎隸中書省晉惠帝改中書著作為秘書著作後又別自名省曰著作省而猶隸秘書晉令著作郎品第六進賢一梁冠絳朝服荀勗以中書監干寶虞預徐廣以散騎常侍孫綽以給事中伏滔以遊擊將軍孫盛以秘書并兼領著作又陳羣王隱後詔著作單衣介幘朝朔望于著作省亦其任也著作秩六百石品第六後魏五品上北齊從

五品後周春官府置著作上士二人即其職也隋從五品上煬帝增為正五品其後又降為從第五品皇朝秘書省領著作局置著作郎二人龍朔二年改司文郎中咸亨元年復舊

掌同唐百官志

國朝元祐官品令著作郎正七品

綴集所聞以為漢書

後漢班固詔詣秘書與前洛陽令陳宗長陵令尹敏司隸從事孟冀

共成世祖本紀遷為郎典校秘書採摭前紀綴集所聞以為漢書史稱固有良史之才

著作東觀

楊彪字文先少傳家學熹平中以博習舊聞公事微承拜議郎華嶠書曰與馬日碑盧植蔡邕等著作東觀承

明金馬著作之庭

班固西都賦云又有承明金馬著作之庭大雅宏達于茲為羣元元本本

彈見洽聞啟發為章校理秘文撰集漢記郎劉駒餘等著作東觀撰集

漢記因定漢家禮儀上言請衡參論其事會其卒而衡  
嘗歎息欲終成之及為侍中上疏請得專事哀觀收檢

遺文畢五葉三世晉應亨集讓著作表曰自司隸校尉  
力補綴五葉三世奉至臣五葉著作不絕鄉族以為美

談崔駰三世相繼其後無聞若乃談文士之冠孫綽為  
遷接武彪固踵跡亦各一世之良

著作綽少以文才垂稱于時文士綽為其冠溫分四部  
王却虔諸公之薨必須綽為碑文然後刊石

咸崇緒晉書李充為大著作于時典籍有史才謝沉為  
混亂充剛除煩重以類相從分作四部

何充庾冰以沉有領著作張華為司空猶領著作又孫  
史才遷大著作盛為散騎常侍領大著作

應難篇王隱晉書張瞻字仲應作應難篇南郊賦郭璞  
司空張華晚見稱善命為著作郎

郊賦中宗見之嘉其呼為妳母沈約宗書何承天除著  
才以為著作佐郎作郎撰國史承天時已

老而猶佐郎並名家年少頗川荀伯嘲之常呼為父祖  
姝母焉承天曰御當云鳳凰將九子姝母何言耶

**名播四海**

晉書陸士衡以文學為太子洗馬著作郎范陽盧志於衆中問機曰陸遜陸抗於君近遠

機曰如君與盧毓盧班志默然既起雲謂機曰珠邦遐  
遠客不相悉何至於此機曰我父祖名播四海寧不知

耶 **善史漢**

王隱晉書何蒼作益部耆舊傳陳封作益部  
善史漢為著作

善之命為  
著作郎

**劍閣銘**

張載作劍閣銘世造乘輿箴威榮緒  
以為能除著作郎

尼岳子也少有清才文辭典雅屬綴之功與岳齊名性  
淡退不競唯以著述為事轉著作造乘輿箴及趙王倫

篡位孫秀專政忠臣被害遇士濫酷尼雖形留料秘閣  
秘閣而神遊方外遂託疾輒曠假拜掃墳柩料秘閣

**四部書**

續晉陽秋孝武帝好覽文藝勅著作郎造晉書  
徐廣料秘閣四部見書凡三萬六千卷

草創紀志

東晉傳惠帝元康四年晚應司空府辟八月餘即除著作西觀造晉書草創三帝紀及十

志

甚有清才

王讚字正長義陽人也晉惠帝時為散騎常侍著作郎甚有清才

助撰晉

史

宋書荀伯子少好學博覽經傳符廣重其才學舉伯子及王韶之並為佐郎同撰晉史及著桓玄等傳邈

尚書祠部郎按

宜居史職

王韶之性穎敏父禕之少有志尚當世韶命表奏輒手自

書寫泰元隆安時事大小悉撰錄韶之得父舊書因私

撰晉安帝陽秋既成時人謂宜居史職即除著作佐郎

使續後事訖義熙九年善叙事辭論

作濛汜池賦

張騰文士

可觀為後世佳史遷尚書祠部郎

傳張載作濛汜賦太僕傳立見賦嘆息稱善

才謝呂望

尊過西伯

北史程駿拜著作郎後魏顯祖獻文帝屢引駿與論易老之義顧謂羣臣曰朕與此人言

意甚開暢又問駿曰卿年幾何對曰臣六十有一顯祖曰昔太公既老而遭文王今卿遇朕豈非早耶駿曰臣雖才謝呂望而陛下尊過西伯求文學之能必推崔孝伯伯觀天假餘年竭六韜之妙求文學之能必推崔孝伯北史韓顯宗太和初舉秀才對策甲科除著作佐郎後魏高祖孝文帝魯謂顯宗等曰著作之任國書是司卿等之文朕自委悉中省之品卿等所聞若欲取況古人班馬之徒固自遼闊若求之當代文學之能卿等應推崔孝求歸於吳唐顧況蘇州人能為歌詩性詆諆柳潭輔政以校書郎徵復遇李泌繼入自謂知已秉樞要當得達官久之方遷著作郎況心不樂求歸于吳而班列辟官咸有侮玩之目皆惡嫉之其

實去權

崔河檢校御史當至德時監察御史宋宣遠恃盧懷慎之親頗違犯河舉劾之又姚崇之子光

祿少卿奏廣納賄賂河又將按檢其事姚盧時上明堂在政事薦河有史才轉為著作郎其實去權也

賦劉允濟垂拱四年明堂初成允濟奏上明堂撰東都賦以諷則天甚嘉嘆之手制褒美拜著作郎

記鄧隆為著作郎修史成尋卒撰東都記三十卷為學者所美後進文章無可意者

白居易傳顧況為著作郎況能文而性浮薄後進文章無可意者覽居易文不覺迎門禮遇曰吾謂斯文遂絕復得吾子矣

### 著作佐郎

### 晉職官志

### 隋百官志

並見郎門

### 六典著作佐郎四人從六品上

著作佐郎修國史宋百官春秋云常道鄉公咸

熙百官名有著佐郎二人晉定員八人哀帝興寧二年大司馬桓溫表省四人孝武帝寧康元年復舊八人晉令品第六進賢一梁冠絳朝服孝武太元四年詔秘書監自選著作佐郎今並無監使吏部選有監復舊馬宋齊並同晉制著作佐郎始到職必撰名臣傳一人宋氏之初國朝始建未有合撰者此制遂替矣梁秩四百石品第七陳令僕子起家為之品制同梁魏正第七品上北齊正第七品下後周春官府置著作中士四人即著作佐郎之任也隋置八人正第七品上煬帝置十二人增品從第六皇朝初置四人龍朔二年改為司文郎咸亨元年復故開元掌見郎門二十六年減置二人

國朝元祐官品令著作佐郎正八品

元祐四年七月勅著作佐郎任滿除集賢校理

不拜尹丞

張華年四十投河南車迎尹丞不拜便轉佐郎

晉書張載字孟陽作淡記賦傳玄見

而嗟嘆以車迎之言談盡日為南郊賦郭璞見

有史才

晉陵朱鳳吳郡吳震白首衡門華譚為監知有史才薦之並稱職按華譚本傳云並學行清修老而未調譚皆薦為著作佐郎

西觀

東晉晚應司空府辟八月除佐郎西觀撰晉書草創三帝紀十志不

能復為今世吏

王隱晉書武帝欲以郭琦為著作佐郎問尚書郭瑋瑋憎琦不附已荅云不識

帝曰若如卿言烏九家兒能事卿即堪即矣及趙王倫篡又欲用琦琦曰我已為武帝吏不能復為今世吏終

於卒成十典

華嶠漢書十典未成秘書綴徵奏嶠少子暢為佐郎卒成十典

見陳壽所

作壞已書

張華別傳陳壽好學著述除佐郎當時夏侯湛等作魏書見陳壽所作壞已書也年

三十方作

沈約宋書謝裕字景仁會稽王世子元顯嬖人張法順權傾一時內外無不造門唯景仁

不至年三十而方為著作佐郎以他官領其職梁周捨裴子野皆此職

閒

晉閻續字續伯祭酒鄒湛以續才堪佐著薦于秘書監華嶠嶠曰此職閒康重貴勢多爭之不暇求其才

遂不賜名

後魏宋弁字義和為佐郎後魏高祖孝文帝能用曾因朝會歷訪治道弁年少官微自下而對

聲姿清亮進止可觀高祖稱善者久之由是大被一為知遇賜名為卞意取卞和獻玉楚王不知寶之理一為

史官十年不調

後周儒林傳黎景熙字李明正定古今文字於東閣大統末拜佐郎于時倫輩

皆位兼常伯車服華盛唯季明獨以貧素居之而無愧色又勤于職著述不怠然性尤專固不合於時是以一為史官遂極文學之清選  
唐王義方曰臣去歲冬初雲陽下縣丞耳今春及夏陛下

十年不調

極文學之清選

唐王義方曰臣去歲冬初雲陽下縣丞耳今春及夏陛下

擢臣著作佐郎極文學之清選未  
幾又拜臣侍郎史監朝廷之權職  
史太宗之破高麗名所戰之山為  
者與天地合德山名駐蹕此蓋以  
如所言與許敬宗等撰西免遠官  
成國歷諫議大夫給事中免遠官  
免遠官今後以為例矣

職官分紀卷十六

欽定四庫全書

職官分紀卷十七

宋 孫逢吉 撰

太史局

周禮太史頒告朔於邦國

禮記月令孟春乃命太史守典奉法司天日月星辰之行宿離不貸毋失經紀

史記歷書太史公曰神農以前尚矣蓋黃帝考定星歷

建立五行起消息正閏餘於是有天地神祇物類之官  
是謂五官各司其序不相亂也少皞氏之衰也九黎亂  
德顓頊乃命南正重司天以屬神命火正黎司地以屬  
民其後三苗服九黎之德故二官咸廢所職而閏餘乖  
次孟陬殄滅攝提無紀歷數失序堯遂復重黎之後不  
忘舊章使復典之而立羲和之官明時正度

前漢百官表少昊鳥官

張晏曰少昊之立鳳鳥適至  
因以名官鳳鳥氏為歷正

常秦官屬官有太史

後漢百官志太常 太史令一人六百石本注曰掌天

時星厯

漢官儀曰太史待詔三十七人其六人治厯三人龜卜三人廬宅四人日時二人易筮二人典

穰九人籍氏計氏典昌氏各三人丞一人明堂及靈臺

嘉法請雨解事各二人醫二人

丞一人二百石本注曰二丞掌守明堂靈臺靈臺掌候

日月星氣皆屬太史

漢官曰靈臺待詔四十二人其十四人候星二人候日三人候風十二

人候氣三人候啓景七人候鍾律一人舍人

晉百官志太常有太史太史又別置靈臺丞

隋百官志梁太常有太史太史別有靈臺丞 後齊太

常有太史太史兼領靈臺太卜二局丞

靈臺掌天大觀  
候太卜掌塔卜

並隋高祖太史置令丞各二人司厯二人監候四人其  
厯天文漏刻視侵各有博士及生員煬帝秘書省改  
太史局為監造令階為從五品又減丞為一人置司辰  
師八人增置監候為十人

唐百官志司天臺監一人正三品少監二人正四品上  
丞一人正六品上主簿二人正七品上主事一人正八  
品下監掌察天文稽厯數凡日月星辰風雲氣色之異

率其屬而占有通玄院以藝學召至京師者居之凡天

文圖書器物非其任不得與焉每季錄祥肯送門下中

書省紀于起居注歲終上送史館歲頒厯于天下

武德四年

改太史監曰太史局隸秘書省七年廢監候龍朔二年  
改太史局曰秘書閣局令曰秘書閣郎中武后光宅元  
年改太史局曰渾天監不隸麟臺俄改曰渾儀監置副  
監及丞主簿改司辰師曰司辰長安二年渾儀監復曰  
太史局廢副監及丞隸麟臺如故改天文博士曰靈臺  
郎厯博士曰保章正景龍二年改太史局曰太史監不  
隸秘書省復置丞景雲元年又為局隸秘書省踰月為  
監歲終復為局二年改曰渾儀監開元二年復曰太史  
監改令為監置少監十四年太史監復為局以監為令  
而廢少監天寶元年太史局復為監自是不隸秘書省

乾元元年曰司天臺藝術人韓頴劉烜建議改令為監  
置通玄院及主簿置五官監候及五官禮生十五人掌  
布諸壇神位五官楷書手五人掌寫御書有令史五人  
天文觀生九十人天文生五十人天文生五十人初  
有天文博士二人正八品下歷博士一人從八品上司  
辰師五人正九品下裝書歷生掌候天文掌教習天文  
氣色及掌寫御  
歷其後皆省焉

六典太史局令二人從五品下

左傳曰天子有日官即太史也晉太史令品第

七秩六百石銅印墨綬進賢一梁冠絳朝服江左高瑩  
以侍中陳卓以義熙守吳道欣以殿中侍御史兼太史  
宋齊梁陳並同後魏北齊因之後周春官府置太史中  
大夫一人掌歷家之法隋秘書省太史曹置太史令二  
人從七品上煬帝改曹為監進令階為從五品皇朝因  
之改監為局龍朔二年改為秘書閣局令改為秘閣郎

中咸亨元年復舊久視元年改為渾天監不隸麟臺其  
令監置一人加至第五品上因加副監及丞主簿府史  
等員其年又改為渾儀監長安二年復為局選隸麟臺  
緣監置官及府史等並廢其監依舊為令置二人景龍  
二年改局為監令名不改不隸秘書開元二年又改令  
為監三年加從第四品下其一員改為少監十四年又  
改為局復為太史令二員隸秘書乾元  
元年改為監升從三品加秘書品秩丞二人從七品

下司馬彪續漢書志云太史丞一人秩二百石魏晉宋  
齊皆同梁陳三品勲位隋置二人正九品上煬帝減

一人皇朝不置丞久視改渾儀監使置丞二人從七品  
上長安二年又省景龍二年復置乾元升為監與諸司

少監同品令史二人書令史四人其屬有司歷靈臺郎挈壺

正司歷二人從九品上漢官儀太史局有理歷六人至  
晉有典歷四人歷宋齊梁陳後

魏北齊皆有典歷並史闕其員品至隋改典歷為司歷置三人從九品下取左傳司歷為名皇朝為從九品上乾元加五掌國之歷法造歷以頒於四方有戊寅歷武

官之名矣

初東都道士傅仁麟德歷麟德中太史神龍歷太史令

均所造拜太史令麟德歷麟德中太史神龍歷太史令

南宮說大衍歷開元十四年嵩山僧一行承五紀歷寶

元年司天臺正元歷建中四年司天觀象歷元和二年

郭獻之造宣明歷長慶二年穆宗崇玄歷景福元年太子凡天

下測影之處分至表準其詳可載故參考星度稽驗畧

影各有典常

國朝因梁曰司天監或以他官兼判又有同判之名以朝官充掌察天文祥異鐘鼓刻漏稽定厯數供諸壇祠祀神名位版畫曰每年預造厯以頒于四方有應天厯

建隆二年以周顯德二年王朴所撰欽天厯差繆四年司天少監王處訥所定建隆應天厯凡六卷乾元

厯太平興國七年司儀天厯咸平四年翰林天文太冬正吳昭素造儀天厯太子洗馬吳序等造崇天

厯元聖元年監從三品監闕則以五官正二人判監事司天監造監從三品又有測驗渾儀官同知算造及

三式少監從四品下至道元年以殿中丞判司天監苗之名少監從四品下守信權知司天監判監事立于本

品之丞正七品上主簿從七品下

治平二年詔司天臺官自今不差監諸倉門

明天厯

國朝治平元年賜新厯名曰明天命翰林學士承旨王珪序之初上即位司天監奏崇天厯五星

之行及諸節氣有差詔權判司天監周琮七人同造新厯成而冬官正舒易簡監生李道各獻其所造厯經詔翰林學士范鎮諸王府侍講孫思恭國子監直講劉攽詳定琮等所造最密乃用其厯邇琮等各兩官然厯後不可用而琮等奪所得官

令

前漢後漢晉隋唐

並見太史局門

賈誼新書不知日月之不時節不知先王之諱與國之

大忌不知風雨電電之生目凡此其屬太史之任也

見傳

職連語

沈約宋書太史掌歷數

南齊百官志太常太史令一人

環濟要略太史令取善紀述者使記時事天子圖書典籍皆付焉

國朝元祐官品令太史局令從七品

執簡以往

左傳太史書崔杼弑其君崔子殺之其弟嗣書而死者二人其弟又書乃舍之南史氏聞

太史盡死執簡以還聘魯觀書晉韓宣子聘魯觀書于太史氏見易象與魯春秋曰

往聞既書已乃還聘魯觀書史氏見易象與魯春秋曰

周禮盡史伯國語鄭桓公為司徒問于史伯曰王載其

在魯矣史伯室多故余懼及焉史伯周太史也

圖法呂氏春秋太史令終古見夏桀亂載其圖法而

奔周晉太史今屬東見典天官事漢書司馬喜生談該

晉之亂載其圖法歸周為太史公遷生仕為郎

中奉使西征巴蜀江南略邛笮昆明還報命是歲太子

始建漢家之封而太史公留滯周南不得與從事發憤

且卒而子遷適反見父于河雒之間太史公執遷手而

泣曰予先周室之太史也自上世嘗顯功名虞夏典天

官事後世中衰絕於予乎汝復為太史則續吾祖矣今

天子接千歲之統封泰山而予不得從行是命也夫命

也夫子死爾必為太史為太史毋忘吾所欲論著矣遷

俯首流涕曰小子不敏請悉論先人所次舊聞不敢闕

卒三歲而遷  
為太史令

**博學章**

秦太史令胡毋敬作博學章

**博通古今**

東觀漢記陰猛

以博通古今  
為太史令

**天道深遠幸勿多言**

張璠漢記曰初王師敗於曹陽欲浮河東

下持中缺  
牛斗過天津

熒惑又過行守北河不可犯也由是天子

遂不北渡河將自近關東出立又謂宗正劉艾曰前太白守天關與熒惑會金火交會革命之象也漢祚終矣

晉魏必有興者立後數言于帝曰天命有去就五行不常盛代火者土也承漢魏也能安天下者曹姓也惟委

任曹姓而已曹公聞之使人語立曰知公忠于朝廷天道深遠幸勿多言也

**乘傳行天下求**

**古史記**

漢舊儀成周史官至武帝置太史公司馬遷父談世為太史遷年十三便乘傳行天下求古諸

侯之**箴**

揚雄太史令箴曰昔在泰古肇初受記天地之紀重黎是司降及唐虞乃命羲和欽若昊天百

政攸宜夏帝不順義和不令廢時亂日帝旅爰  
征庶僚至鼓天為難謏夏氏黜德神明不竭  
黃龍見

其國當有王者

魏志黃龍見譙橋主問太史

對崇華殿

災

高堂隆為侍中領太史令崇華殿災文帝問隆此何咎于禮寧有祈禳之義乎隆對曰夫災變之發皆所

以明教誠也惟率禮修德可以勝之易傳曰上不儉下不節孽火燒其室又曰君高為臺天火為災此人君務

飾宮室不知百姓空竭故天應之以旱火從高殿起也上天降鑒故譴告陛下陛下宜增崇人道以答天意乃

遂復崇華殿時郡國有九龍見故改曰九龍殿凌霄闕始構有鵲巢其上帝以問隆對曰詩云惟鵲有巢惟鵲

居之今興宮室起凌霄闕而鵲巢之是宮室未成而身不得居之象也天意若曰宮室未成將有它姓制御之

斯乃上天之戒也

與吏爭肉

隆以侍中領太史令隆集上事曰太史令許芝所典諸祀遠不度于

古近不儀於今每祭與吏占驗明審吳志吳範字文則占驗明審權以為

騎都尉領太史令數從訪問欲知其訣範撰吳書章曜

秘惜其術不以至要語權權由是恨之

孫亮

即位諸葛恪輔政奉作渾天儀後漢張衡善機巧尤致思于天文陰陽歷算安

帝雅聞衡善術學公車特徵拜郎中再遷為太史令遂乃研覈陰陽妙盡璇璣之正作渾天儀著靈憲算網論

言甚明兩眼看天唐吳師見刺史門一心穿地注

正

國朝元祐官品令太史局正正八品

五官正歷渾儀

唐職官志乾元三年置春官夏官秋官冬官中官正各一人正五品上副正各一人正六品上掌司四時各司其方之變異冠加一星珠以應五緯衣從其方色元日冬至朔望朝會及大禮各奏方事而服以朝見

國朝至道元年詔五官正磨勘非次改官至殿中丞止以後只加檢校官 乾興元年詔自今不得依京朝官例差監庫務見監當者候滿日差替治平三年詔司天臺官自今不差監諸倉門

元祐官品令五官正正八品

造厯精密

國朝太平興國四年司天冬官正具昭素及主簿劉內真苗守信造新厯成凡經紀律度

為二卷晨昏為一本一卷曰躔陰陽經作經一差一卷曰出入刻一卷晝夜刻入一卷作分五更中星一本共九卷

以獻上命衛尉少卿元象宗與明厯者同校定賜號乾元厯上自製序先是以應天厯小差因詔重定昭素所

造頗為精密渾儀制度九事至道元年十二月新鑄渾儀成先是秋官正韓顯符請造渾儀

官給冊度使顯符規度至是鑄成于司天監築臺置之賜雜綵五十段顯符自言新鑄渾儀制度九事定

天經雙規各長六尺一寸三分周圍一丈八尺三寸九分面濶四寸五分厚五分以上均賦三百六十五度南北

並立與平準夫台半在地上出平準三十五度安其金釧金元乃北極出地之度四週迴迴一作本屬十二度屬紫

微宮計星三十七座一百七十五星一本作計星二千  
四時常見謂之上規其中一百一十度四十七座  
十度屬黃赤道內外官星二百四十六座於地盤平準  
十九星近日而既遠日而見謂之中規  
之下繞南極四週七十二度除老人星外四時常隱謂  
之下規一定遊規以直經五尺二寸周圍一丈五  
尺六寸濶一寸二分厚四分均賦三百六十五度用元用  
日釭釭安雙規巔軸之上令得左右轉運夾其規管規  
量衆星隨天周徧無所不至一定直矩二片長四尺  
八寸闊一寸二分厚四分于兩衡之間用夾規管中置  
闕軸令得周旋隨其遊規用轉規管以候辰宿一定  
規管長四尺八寸闊一寸二分闕軸在直矩之內謂之  
旋樞使人即規望于下衡即運動於上用本元齊日月  
五星進退贏一作縮所至度量衆星互相遠近之數  
一定地盤平準輪直經六尺一寸三分周圍一丈八尺  
三寸九分上分八卦十十二辰二十四氣七十二候

中定四維日辰時正晝夜一百刻 一定赤道銀直徑  
五尺三寸五分周圍一大六尺五分闊一寸厚五分均  
賦三百六十五度于雙規內去兩極各九十一度強令  
東西出于卯酉乃春分秋分日行赤道度陰陽之所支  
晝夜平暄涼等七曜之行中道也 一定黃道銀與赤  
道等南北各去赤道二十四度東西交于卯酉及日行  
盈縮月行九道之限也自冬至日行極南之道去北極  
一百一十五度去南極六十七度在赤道去本元道作南二  
十四度晝四十刻夜六十刻影長而寒夏至日行極北  
之道去北極六十七度去南極一百一十五度在赤道  
北二十四度晝六十刻夜四十刻影短而暑月有九道  
之行歲十有二月正交中交出入黃道遠不過六度五  
星順留伏逆理厯之常數也 一於地盤平準下立龍  
柱四條各高五尺五寸為龍能變化以御天體易之時  
乘六龍以御天又云天地乘氣而立龍能雲行雨施主  
宰造化運行陰陽故以雲龍附掌天地成其法象也顯

符自言 增六十甲子 至道二年十一月司天冬官正楊文鑑上言請于新曆六十甲子外

更增六十年作六二一本事下有司判司天監苗守信等議以為無所依據不可行用上曰支干相承雖止于六十倘兩周甲子共成上壽之數使期願之人得見所生之歲不亦善乎因詔有司新曆以一百二十甲子為限

校定新曆疎密 見丞門獻新曆注

丞 直長沿革見太史局門附歷渾儀

六典太史局丞二人從七品上 司馬彪續漢志太史丞一人秩二百石魏晉宋

齊皆同漢

國朝治平三年詔司天監丞以下月俸皆給見錢常以

九員給事河東等路總官及麟府車馬司二歲一代又  
歲差一員押賜衣襖

元祐官品令太史局丞直長從八品

獻新厯

國朝至道元年九月司天監丞王春獻新厯詔夏官正鄭昭晏重校定疎密

造渾儀

式

太平興國四年正月以司天監冬生張司訓為渾儀丞先是司訓自言能為渾儀因造其式以獻上召南方正

官於禁中如其式造之踰年而成機思精至詔置于大明殿東南隅漏室中因有是命思訓自叙制度云渾

儀者法天象地數有三層下有地軸地輪地足亦有橫輪側輪針輪定身關中關小關天柱七直人左撼鈴右

扣鍾中擊鼓以定刻數其七直一晝夜方定一作是日月土水火金木中有天道大足十二神設十二時一作是日

刻數定晝夜短長其五有天預天牙天開天指天拓作元  
七天東天條三百六十五度紫微宮及周天列宿并斗  
建黃道赤道以日太一作行度定寒暑進退又古之制  
作運動以水踈畧既多寒暑無準今以水銀代水運動  
不差且冬至之日日在黃道一作表去北極最遠謂之  
寒盡短夜長夏至之日日在赤道一作去北極最近謂  
之暑盡長夜短春秋二分日在兩交一作春和秋涼晝夜復  
等寒暑進退皆由于此舊制日月一作晝夜行度皆以  
手運今所制取其自然思訓自叙如此一作渾儀自東漢  
張衡始造至唐開元中詔僧一行與梁令瓚及諸術士  
造渾天儀鑄銅為日月圓天之象上具列星赤道及天  
度數注水激輪令其自轉一日一夜天轉一周又別立  
二輪給在天外綴以日月令得運行每天西轉一匝日  
東行一度月行十三度十九分度之七凡二十九轉有  
餘而日月會三百六十五轉而日行匝仍置木櫪以為  
地平令儀半在地上半在地下晦明朔望遲速有準又

立二本木人于地平之上前置鐘鼓以候辰刻每一刻則自然擊鼓每一辰則自然撞鐘皆櫛中各施軸鈎支錯關鑲相持既與天道合因命曰水運渾天俯視圖後銅鉄滋不能自轉不復行用今思訓所作起為樓閣之狀數層高大餘又以木偶人為七直神搖鈴撞鐘擊鼓又作十二神各直一時至其時節自執木牌循環而出并著日月星辰皆須仰視其機轉之用俱隱隱于樓中頗為精妙得開元之遺制

### 靈臺郎

沿革見太史局門

新唐百官志五官靈臺郎各一人正七品下掌候天文

### 之變

乾元元年加五官之名

六典靈臺郎二人正八品下掌習知天文

周文王受命作邑于豐立

靈臺所以觀被象察氣之妖祥也詩云經始靈臺鄭玄云靈臺言文王化行似神之精明故以名也春秋傳曰公既視朔遂登觀臺以望而書雲物亦其制也其在周官則馮相氏世登高臺以掌其事漢則雜侯上林清臺後漢又作靈臺掌候日月氣而屬太史太史有二丞其一在靈臺漢官云靈臺員吏十三人待詔四十二人魏太史有靈臺丞主候望頤歷晉宋齊梁陳太史皆有丞隋太史置天文博士掌教習天文氣色皇朝因隋置天文博士二人正第八品下長安四天文生六十人隋置年省天文博士置靈臺郎以當之皇朝因之年深者轉補天文觀生靈臺郎掌觀天文之變而占候之凡二

十八宿分為十二次寅為析木燕之分

自尾十度至斗十一度卯

為大火宋之分

自氐五度至尾九度

辰為壽星鄭之分

自軫十二度至氐四

度 已為鶉尾楚之分

自張十五度至軫十一度

午為鶉火周之分

自柳

九度至張十六度

未為鶉首秦之分

自井十六度至柳八度

申為實沈魏之

分

自畢十二度至井十五度

酉為大梁晉之分

自胃七度至畢十一度

戌為降

婁魯之分

自奎五度至胃六度

亥為娵訾衛之分

自危十六度至奎四度

子

為玄枵齊之分

自女八度至危十五度

丑為星紀吳越之分

自斗

度至女七度

所以辨日月之躔次正星辰之分野凡占天文

變異日月薄蝕五星陵犯有石氏甘氏巫咸三家中外

官占凡瑞星祲星瑞氣祲氣有諸家雜占凡測候晷度

則以遊儀為其準

國朝慶歷五年詔靈臺郎自今十年一遷官

元祐官品令靈臺郎從八品

保章正

監候

新唐百官志五官保章正二人從七品上五官監候三人正八品下司歷二人從八品上掌歷法及測景分至表準

六典保章正一人從八品上

周禮春官太史屬有保章氏掌天星以至星辰日月

之變動辨其吉凶秦漢以來無其職至後周春官府置太史其屬有保章上士中士之職即其任也至隋置歷

博士一人正九品上皇朝因之長安四年省歷博士置保章正以掌教歷生乾元元年加五官之名歷生

三十六人隋置掌習歷皇朝因之用流外八人裝書歷生

五人皇朝置監候五人從九品下魏晉太史令吏員有望候郎二十人候部

吏十五人掌候天文並其任也隋初置四人從九品下煬帝三年增為十五人皇朝因隋置五人天文

觀生隋置掌晝夜在靈臺伺候天文氣色皇朝所置從天文生轉補八考入品

國朝慶歷五年詔保章正自今十年一遷官

元祐官品令保章正從八品

挈壺正

唐百官志五官挈壺正二人正八品上五官司辰八人正九品上漏刻博士六人從九品下掌知漏刻凡孔壺為漏浮箭為刻以考中星昏明更以擊鼓為節點以擊

鐘為節

武后長安二年置挈壺正乾元元年加五官之名有刻漏生四十人典鐘典鼓三百五十人初

有刻漏視品刻漏典事掌知刻漏檢校刻漏後皆省

六典挈壺正二人從八品下掌知漏刻

周禮有夏官挈壺氏秋官司寤

氏春官鷄人氏凡三職咸掌其事自漢以後太史司辰掌之皇朝長安四年始置乾元元年加五官之名司辰

十九人正九品下

掌漏刻事隋置二人從九品下煬帝改為司辰師本屬武候府大業三年

隸于太史局皇朝因之

刻典事十六人

皇朝置掌司漏刻之節

刻博士六人

隋置有品秩掌教漏刻生皇朝降為汎外乾元元年置二十人漏刻生三

百六十人

隋置掌習漏刻之節以時唱治皇朝因之皆以中小男為之轉補為典鐘典鼓典鐘

二百八十人

皇朝置掌擊漏鐘乾元元年置三百五十人視品十人

典鼓一百六

十人

皇朝置掌擊漏鼓乾元元年置三百五十人

挈壺正司辰掌知漏刻孔

壺為漏浮箭為刻以考中星昏明之候焉

箭有四十八晝夜共百刻

冬夏之間有長短冬至日南為發去極一百一十五度晝漏四十刻夜漏六十刻夏至日北為斂去極六十七

度晝漏六十刻夜漏四十刻春秋二分發敏中去極九十一度晝夜各五十刻秋分以後減晝益夜九日加一刻春分以後減晝益夜九日減一刻二至前後則加減遲用日多二分之間則加減速用日少凡候夜漏以為更點之節每夜分為五更每更分為五點更以擊鼓為節點以擊鐘為節

國朝挈壺正掌知漏刻

司天之屬有挈壺正掌司辰刻

樓鐘樓於殿廷左右漏刻之法有水秤以木為衡衡上刻珣文曰天河其廣長容水箭箭有四木為之長三尺五寸著時刻更點納于河中晝夜更周之自卯至午易一箭自午至酉易一箭自酉至子易一箭自子至卯易一箭衡右端有銅鉞連鉤為銅覆荷形荷下銅索三條以條銅壺又為髹漆大匱曰水積中安銅盆曰水海壺有蓋上刻白兔一為飾曰水拍銅盆隅有銅刻鳥一引水下注壺中衡左端有大銅鉞貫衡鉞下大銅索連

銅權權為立象形又有鐵竿高五尺權于鐵連附中屈  
上端為方銀形曰鷄竿每後改時刻司辰者以銜尾納  
方銀中以組繩挽權上大銅銀進退之杆之所係以大  
木雙樞有附如鐘簾之制畫五彩金龍為飾上有鐵胡  
門大鐵鉤緩以係之其制度精巧未知作者為誰蓋唐  
及五代用之久矣漏刻每遇添減辰刻必移報門司  
及皇城司與鑠門使臣常以卯正後一刻為禁門開鑰  
之節每一時八刻二十分每刻一擊鼓八鼓後進時牌  
制以有七自卯至酉之  
五鼓為時正它辰並同唯午時擊八鼓後鷄唱絕擊一十  
五十鼓乃為午時正初夜放鼓雄契出禁門日鼓有二  
木曰止鼓制于上乃擊衙鼓為發更時鷄唱絕擊百鼓為第  
一會擊契又鷄唱擊百鼓為第二會擊契絕擊百鐘又  
鷄唱擊一鼓一鐘為一更一點每更點隨次增之遇轉  
更必鷄唱至五更三點止鼓雄契出禁門聲衙鼓合雌  
雄契入內藏之于鐘鼓樓至五更五點擊百鐘後鷄唱

擊百鼓為第一會擊擊又鷄唱擊百鼓為第二會擊擊乃攢點昧明有待旦一刻十一排一且明下水定晝漏時刻至八刻後為卯時正四時皆用此法禁中又有更點在長春殿門之外至于宗廟陵寢及玉清昭應景靈官會靈觀祥源觀皆置馬更以鼓點以鉦

元祐官品令挈壺正正九品



職官分紀卷十七